

十五年知縣

元讓重修

廣佛寺

在縣西三十里正德十二年知縣李璇重修  
順治十三年知縣何勝光重修

龍泉寺

在縣西十五里元至道二年知縣馮監建嘉  
靖四十一年知縣高旻重修順治十八年張

得貴

重修

石羊寺

在縣西南三十里嘉靖三十九年知縣高旻  
重修萬曆四十年楊進學重修康熙十八年

張雲路

重修

杜村寺

在縣南十五里嘉靖十六年知縣李鈞重修  
萬曆八年知縣楊應春重修康熙二十六年

知縣何

鼎重修

石固寺

在縣西南四十里萬曆六年葉銀重修

清涼寺

在縣西三十里。太定年僧續旺重修正統九年僧普順重修

普濟寺

在縣北七里嘉靖三十年席彥洪重修天啓二年席消重修崇禎元年梅國寵重修康熙

二十五年

明金重修

柳莊寺

在縣東北十五里正德二年知縣高堅信重修萬曆四十五年裴迺化重修

興國寺

在縣東北十二里隆慶三年知縣楊元義重修天啓六年馮覺重修康熙八年知縣吳泰

重修

觀音寺

在縣西北二十里元至正年間僧祖成建明洪武十三年僧可如重修

德星觀

即陳太丘祠詳見祀典

元真觀

在縣東南八里萬曆十三年知縣陳汝麟重修順治十二年張宗孔重修

長洲觀 在縣西南四十五里

暖泉觀 在城西六十里景泰年朱清澄重修嘉靖戊午年王靖真重修

文風閣 在縣北關相傳為邑中文風所關故名明末頽廢至國朝康熙二十三年邑庠生張輿

同紳士捐資重修

龍泉宮 在縣西四十里天啓五年徐微尚重修康熙十一年知縣吳泰重修

五龍宮 在縣西南三十六里

三官廟 在縣東關內康熙十一年知縣吳泰重修

增福廟 在縣西北十八里景泰年石宗重修成化二十三年諸石宇重修

玉皇廟 在縣西關外一里嘉靖三十七年范山建

二聖廟

在縣西關外景泰七年知縣丁昱重修康熙二十七年魏秀重修

太尉廟

在縣西三十五里洪武年王福輩建修正統年馮忠重修弘治三年王恕重修

三官廟

在縣東北十里順治三年僧真誦重修康熙二十七年知縣何難重修

五岳廟

在城北十五里嘉靖二十五年曹坊重修

中嶽廟

在縣西三十五里康熙二十九年王自貴宋文通募化重修

武安廟

在縣東北七里隆慶五年知縣宋宣重修

黑龍廟

在縣東北十五里嘉靖五年楊祿重修天啓二年縣吏王一重重修天啓三年知縣李春

旺重

修

玉仙廟

在城東八里嘉靖四十二年趙伯春重修順治九年趙思真重修康熙七年趙壁拔貢

重修

天仙廟

在縣東五里康熙九年貢生薛璞張勳重修  
康熙二十九年王子孝重修

圓覺堂

在縣西三里嘉靖五年知縣王騰邑人參議  
車明理創建康熙癸亥年知縣許元卿重修

準提庵

在縣西濟眾橋順治十八年分巡道沈荃重  
修

河伯廟

在城西濟眾橋順治十八年分巡道沈荃重  
修

尹家堂

在縣南十五里成化四年尹寬建萬曆六年  
尹英重修

藥上廟

在縣東一里康熙十一年知縣吳泰建

論曰梵宇琳宮遍天下復而毀毀而復者屢矣然

自昔訪崆峒而問道稱西方有聖人辨所從來亦

多故焉其于舉廢修頽允屬治平盛事但不與學  
宮壇社並重祀典殆亦維持世道之微意歟

街衢

葛邑山川環繞城郭奠安雖在下邑亦不爲湫隘矣  
然循覽邑中居室寥寥而西北一隅猶爲荆榛瓦礫  
之場重可嘆也總屬兵燹之餘生民未聚而建置之  
遑也欲問其幽衢曲巷歷歷如故者蓋亦寡矣今但  
以四隅之通衢往來之孔道記之可也

迎恩街

東門內直西

正德街

南門內直北

利用街

西門內直東

惠波街

北門內直南

坤靜街

小南門內斜北

衙前街

東西

衙後街

東西

崇文街

東門內轉直北

耀武街

在縣東北隅關帝廟前

福泉街

在養濟院西直北俗名井衙街

廣濟街

在縣西北隅預備倉前

積慶街

在城隍廟後

處仁街

在學後

衙巷

在縣門直南通馬道

倉巷

在衙後直北

朱家巷

在縣衙西通前後街

學巷

在學宮西通前後街

坊表

坊表之設所以揚節孝而勸功名也葛邑亦不乏人



矣奈邑中廢記者何寥寥也亦緣兵火之餘而先代  
所存者不可考也然一時名節攸關或存或廢並志  
于左後之人不可景仰而興起也哉

端本澄源坊

在縣治大門前康熙二年知縣何騰光立

德配天地坊

道冠古今坊

二坊在學宮前未修

顯佑伯坊

在城隍廟前

奪錦坊

為張綸立廢

義民坊

為尹長壽立

登雲坊 爲陳佑立

貞節坊 爲崔榮妻張氏立 四坊俱在衙前街

雙節坊 爲程黼妻于氏並婦王氏立廢

舉人坊 爲張昂立

進士坊 爲車明理立廢

義民坊 爲張英立

舉人坊 爲宋惟馨立 五坊俱在衙後街

貞節坊 爲韓應祥妻劉氏立廢

義民坊 爲張廷珍並封贈張廷玘立

鴻驢坊

為張廷玘立

貞烈坊

為陳鉅妻丁氏立

孝行坊

為羅貴立廢

五坊俱在東街

義民坊

為尹寬立在西關廢

橋梁

子產以乘輿濟人於溱洧正葛邑之事也非不可謂  
一時仁者之心自子輿氏譏之而其地惜乎不傳今  
雙洎一河徒在輿梁參差相望已異于春秋時矣民  
猶病涉乎哉凡邑中橋梁或遠或近之所當興當徹

之時詳志之爲政者要不使復取子輿氏之譏而已

北橋

在縣北三里以木爲之因洎河衝决無定非磚石可建每歲九月造成明年五月撤去慮河水

泛漲橋木漂流也徹時濟以小舟上自新鄭下達

洎川瀕河木橋不一此橋爲縣北孔道特志之餘

不悉

載

渙水通濟橋

在縣西北二十二里會河鎮明成化四年知縣任勵建

馬家橋

在縣西二十里馬家灣天啟二年牛禮劉施行建

岳家橋

在縣西十五里岳家庄東嘉靖四年王裕張明善建康熙十二年張化英等重修

李家橋

在縣西十五里宗家寨西

濟衆橋

在縣西南十五里爲兩大衝要明嘉靖四十四年知縣蔡紹先創建因昔有和尙募化故

名和尚橋萬曆十年鄉民李惟臣謝科募資重修  
萬曆四十一年知縣王茂才奉憲李公文創建  
於上流改名濟衆邑人李啓光監工兼施工餼三  
年橋成長十五丈寬二丈四尺高二丈兩傍有石  
欄石筍俱用鐵扣有碑記順治十八年知縣劉瑋  
奉分憲沈公捐俸倡衆重修建河白廟于北岸  
並沈公祠  
有碑記

師姑橋 在縣南十五里杜村寺東北

李家橋 在縣南十六里天錫寨前

黃家橋 在縣南十七里黃家村東

王家橋 在縣南十八里王家村東 以上俱石橋在  
澗河改入許州道上

老龍橋 在縣西南二里

三里橋 在縣正南三里

赫家橋 在縣東南十五里 以上石橋俱在濕河故道上

煖泉河胡家橋 在縣西十里陂胡家村

吳家橋 在縣西三十五里中嶽寨西

呂家橋 在縣西南三十三里中嶽寨南

石羊橋 在縣西南三十七里石羊寺西康熙五年王克經楊化鳳重修

日公橋 在縣西南三十六里白樂宮南創建無考元至正元年楊大寶重修明萬曆十年知縣黎

塾重修

五龍橋 在縣西南三十五里五龍宮東

谷家橋 在縣西南三十二里谷家村南 以上石橋  
俱在煖泉河上

小洪河稚子橋 在縣西三十五里廣佛寺前明成化  
年邑人王氏因無嗣願修石橋後果

生子  
故名

太平橋 在縣西二十三里太平店北

弘濟橋 在縣西十七里洪庇寨南 以上石橋俱在  
小洪河上

三石橋 在縣東十八里董村店東北萬曆十年鄉民  
張紵建

雙鳳橋 在縣東南十五里渠河上明天啓丁卯年知  
縣聶明楷開汪家陂溝渠建石橋于南北衝  
道是年趙佳鳳孟良屏並舉孝廉因名其橋曰雙  
鳳

石梁橋 在縣西南四十五里石固鎮石梁河上乃許  
葛分界橋南屬許州橋北屬長葛

淇河路家石橋

在縣東北八里淇河上

鄉村

葛邑素號殷庶自遭明季荒亂井落村墟盡成荆蔓  
幸我

朝定鼎以來撫綏招徠遺黎稍集數十年間生聚教育  
雖未能車擊肩摩而田疇桑麻廬舍園林固已羅布  
境內熙熙有太平景象矣第聚族而處者大者不過  
十餘家小者不過六七家若律以二千五百家之鄉  
則又天壤耳明崇禎年間鄒縣李在公因寇亂詳



令民併村而居爲寨十六築堞濬濠有事則憑寨以  
守無事則啓門出耕亦一時守望之良法也康熙十  
三年滇黔之警知縣米漢雲勸修新寨者九其零星  
村堡不能悉載

### 舊寨

封陞寨

在縣東南十里封陞屬

洪庇寨

在縣西十七里小洪河北

太平寨

在縣西二十里太平店

河清寨

在縣西三十里小洪河北

朝陽寨

在縣西南十五里小洪河東

石固寨

在縣西南四十五里石固鎮

四險寨

在縣西四十里後河鎮

永安寨

在縣西北二十五里會河鎮

東安寨

在縣西北二十五里會河鎮

鳳岡寨

在縣西二十五里霸王岡

盈科寨

在縣西十五里淇水河北

凌霄寨

在縣西南三十二里煖泉河東

迎水寨

在縣西四十里煖泉河東

高峯寨 在縣西北七里佛耳崖

金湯寨 在縣西北二十里雙泊河北

北斗寨 在縣西二十五里太平店北

新寨

康樂寨 在縣東北十三里雙泊河西

古城寨 在縣北十五里卽鳳凰城

盈寧寨 在縣北十八里

宏任寨 在縣西北二十二里

廣淵寨 在縣西十里

鳳凰寨

在縣西北十五里鳳凰岡

荆山寨

在縣西五十五里紫荆山

天錫寨

在縣西南十五里渙水河北

崇福寨

在縣西十五里渙水河東

鎮集

葛邑東西關廂五日遞集在鄉者古稱六鎮每鎮有集以便民用而通商估也亦不過布帛菽粟物產之宜而已六鎮外有四小集邇年又新起三小集其一起于康熙二十三年知縣李元讓時其一起于二十

六年知縣何鼎時皆所以惠民利商而從邑人之請也其牙僧販易仍不外六鎮之人大小共十三集

董村鎮 在縣東十五里

石相鎮 在縣東南十八里

會河鎮 在縣西北二十五里

後河鎮 在縣西四十里

石固鎮 在縣西南四十五里此許葛分轄之地明知縣李在公合寨時葛上楊慎成修爲石固寨

至今立祠享祭則立寨亦葛人也寨南有古梁橋橋南屬許橋北屬葛葛邑以許人侵我疆界以之與訟于今經界已明爭端自息

和尚橋鎮

在縣西南十五里

舊集

太平店集

在縣西二十里

洪庇寨集

在縣西十七里

趙家樓集

在縣西五十里

孟家村集

在縣西北二十里

新集

通義集

在縣西南十五里

康樂寨集

在縣東北十三里


接官亭集

在縣西北十七里

建設總論

分邑設官規模悉備豈不欲一勞永逸哉乃時移世  
變事久患生此勢之必然而非締造之始所能預料  
者矣葛自甃墉開塹而後其間營建數大端此亦其  
勢之不得不然者然則官勞而民不耗工竣而人不  
知不與謀始但與樂成葛邑規模稍稍可觀所在貞  
珉可睹也至于興廢難期變遷莫定則踵事增華因  
時制宜者尤有厚望焉耳

長葛縣志卷之二終








長葛縣志卷之三

開封府許州長葛縣知縣何

鼎泰修



賦役志

戶口

賦稅

課程

里甲

物產

我

皇家深恤民隱輕徭薄斂與民休息五十餘年於此矣  
小民急公奉上似宜不獨葛邑為然也奈何隸茲土  
者輸將莫及令茲土者催科維艱得毋以瘡痍未復

生聚未殷而猶有所仰望也乎蓋葛素稱瘠壤况直  
殘區經界不無侵食阡陌半屬蒿萊今以田賦前後  
之懸絕井落之凋殘生物之簡畧詳而著之膺民社  
之寄者亦惟更加軫恤焉以仰體

聖朝愛民之至意也夫爲賦役志

戶口

葛邑先朝共戶四千一百九十二戶口四萬八千二  
百六十三口原額上中下三則人丁一萬七百二十  
三丁原額丁銀九百九十三兩四錢五分明季荒亂

流亡十無二三

國朝加意撫綏民頗復業生聚漸殷今有現戶二千三百一十二戶口共一萬二千五百二十六口編審現在三則人丁六千二百二十四丁內分

上則六百三十四丁 每丁派銀二錢五分共銀一百五十八兩五錢

中則一千九丁 每丁派銀一錢五分共銀一百五十一兩三錢五分

下則四千五百八十一丁 每丁派銀八分共銀三百

百六十六兩四錢八分

以上共徵銀六百七十六兩三錢三分內除紳衿吏  
優免人丁四百一十七丁每丁折免銀三分共免丁  
銀十二兩五錢一分內分紳衿應免本身人丁一百  
八十二丁免去丁銀五兩四錢六分又扣解人丁二  
百三十五丁扣解丁銀七兩五分

實在人丁五千八百七丁

實徵丁銀六百六十三兩八錢二分

田賦

明原額堪礮稍山四等共地七千二百七十三頃九十九畝六分三釐

原額銀二萬九千六百八十二兩七錢三分四釐五毫三絲九忽七微一纖五塵又萬曆年間每畝加增九釐原額銀六千五百四十六兩五錢七分六釐六毫七絲

二項共原額銀三萬六千二百二十九兩三錢三分一釐二毫九忽七微一纖五塵

遇閏加額銀六百三十八兩四錢五分內分

一等堪地六千八百三十頃五畝一分三釐六毫每  
畝照依賦役則例派銀五分一釐一毫六絲四忽八  
纖三沙三塵四渺二漠

原額銀三萬四千九百四十五兩三錢三分一釐六  
毫七絲五忽五微五塵

遇閏加額銀六百一十五兩八錢二分二釐七毫八  
絲七忽一微八纖三沙二塵七埃四渺每畝照依賦  
役則例派銀九釐一忽六微三纖七沙一塵二埃五

渺

二等礮薄地一百五十四頃一分三釐每畝照依賦  
役則例派銀二分五釐五毫八絲二忽四纖一沙六  
塵五埃二渺一漠

原額銀三百九十三兩九錢六分九釐三毫二絲五  
忽三微一纖一沙九塵

遇閏加額銀六兩九錢四分二釐七毫九忽五微五  
纖七塵六埃九渺四漠每畝照依賦役則例派銀四  
毫五絲八微一纖八沙五塵六埃二渺五漠

三等稍荒並堤占地二百四十三頃五十二畝八分



九釐四毫每畝照依賦役則例派銀三分四釐一毫  
九忽三微八纖八沙八塵六埃九渺五漠

原額銀八百三十兩六錢六分二釐三毫五絲八忽  
五微六纖六沙七塵

遇閏加額銀一十四兩六錢三分八釐三毫一絲五  
忽八微四纖一沙五埃九渺九漠每畝照依賦役則  
例派銀六毫一忽九纖一沙四塵一埃六渺六漠

四等山地四十六頃四十一畝三分七釐每畝照依  
賦役則例派銀一分二釐七毫九絲一忽二纖八塵

二埃六渺一漠

原額銀五十九兩三錢六分七釐八毫六絲三微三  
纖一沙四塵

遇閏加額銀一兩四分六釐二毫七忽四微二纖四  
沙八塵九埃六渺七漠照依賦役則例派銀二毫二  
絲五忽四微九沙二塵八埃一渺二漠

國朝順治三年正月 巡按甯 具題奉

旨免荒見在荒蕪四等地共三千九百八十三頃五十  
二畝八分六釐

荒蕪四等地共銀二萬三百三十二兩七錢五分七  
釐九毫八絲九忽七微一纖五塵

康熙二十四年知縣李元讓勸墾堪稍山三色共地  
一十五頃八十二畝三分六釐

康熙二十五年知縣何鼎勸墾堪山二色共地二十  
六頃九十畝五分三釐五毫

康熙二十六年知縣何鼎勸墾堪山二色共地二十  
一頃七十九畝七分

康熙二十七年知縣何鼎勸墾堪山二色共地五百

頃四十八畝三分六釐

康熙二十八年知縣何鼎勸墾堪地一色一頃四十二畝

康熙二十九年知縣何鼎勸墾堪地一色一頃九十五畝七分各俟年限滿日起科

國朝初年至康熙二十三年四色成熟地三千二百九十頃四十六畝七分七釐

四色熟地共除荒實徵並墾地補徵共銀一萬六千二兩五錢三分三釐二絲內有紳衿吏優免存留項

下雜辦銀三百三十五兩三錢六分照數另行扣解  
一折色起運共原額銀二萬七千三百三十八兩八  
錢四分七釐四毫六絲三忽七微六纖五塵

除荒實徵銀一萬三百一十三兩二錢六分五釐內  
有改折漕米並臨德二倉米共原額銀六千五百二  
兩五錢八分四釐

除荒實徵銀二千四百二十九兩八錢二分八釐八  
毫二絲

外補徵等項照依康熙二十二年數目準額銀五百